

intra, o Râdha, Mâdhavae isti appropinqua, delectare, o tu, cuius cantus sua- Cant. 21.
vitatem suam auget sensu voluptatis.

Arbustum, virentibus viticum late proserpentium surculis dense obductum, 18.
intra, o Râdha, Mâdhavae isti appropinqua, delectare, o tu, cuius femora longe
requievire.

Habitationem, murmuratione examinantium apum melle exhilaratorum reso- 19.
nantem, intra, o Râdha, Mâdhavae isti appropinqua, delectare, o tu, quae lae-
tificas gaudia amoris.

Viminetum, cantibus consociatarum lusciniarum, verna aestate exsultantium, 20.
vocale, intra, o Râdha, Mâdhavae isti appropinqua, delectare, o tu, quae ru-
binos nitefacis albitudine dentium.

Largire, o Murares, auspiciis tuis centuplicem felicitatem cantori carminis 21.
huius, summo vatum regi, Jayadêvae, qui Padmâvatidî parat abundantiam gaudiorum.

Te longe animo fovens ille, cogitatione valde lassatus, amore vexatus, hau- 22.
rire desiderat nectarifluum succum, quo redundant labia tua, ceu Bimbarum
mala. Orna eius membra; cur momentum est dubitationis in eo, qui venera-
tur nymphaeam pedis tui, veluti servus, qui exigua incurvatorum superciliorum
comitate emitur.

Illa, mixto timoris et gaudii sensu affecta, lumina in Govinda tremula figens, Cant. 22.
zona nitida tinniens, domicilium intravit. 23.

Redundantem quasi variis affectibus, intuitu vultus Râdhae manifestatis, 24.
qualis Oceanus, conspecto lunae orbe, exsurgentibus undis trepidat, conspexit
illa Harem, uni studio devotum, longo iam tempore desiderio voluptatis occu-
patum, profundae laetitiae imperio subiectum sese facie declarantem, manife-
statorem amoris.

Eum, qui fasciam gemmarum, unione media illustratarum, pectori, lazuli 25.
lapidem referenti, imposuerat, quales undae Yamunae manantes multis spumae emi-
cantis guttis distinguuntur, conspexit illa, Harem, uni studio devotum, longo iam
tempore desiderio voluptatis occupatum, profundae laetitiae imperio subiectum
sese facie declarantem, manifestatorum amoris.

Eum, coetu nigellorum mollium membrorum praeditum, flavo amictu indutum, 26.
tanquam caeruleam nymphaeam, cuius radix gilvo pulvere pollinum multo circum-
spargitur, illa conspexit, Harem, uni studio devotum, longo iam tempore desi-